

kantona”.

Broj:02-14-26095/07

PREMIJER

Datum, 02.11.2007. godine

Zenica

Miralem Galijašević, s.r.

344.

Na osnovu člana 16. stav 2. Zakona o Vladi Zeničko-dobojskog kantona (“Službene novine Zeničko-dobojskog kantona”, broj 16/00, 7/05 i 4/06) i člana 37. stav 3. Zakona o dopunskim pravima branilaca i članova njihovih porodica (“Službene novine Zeničko-dobojskog kantona” broj 6/06 i 9/07), Vlada Zeničko-dobojskog kantona, na 33. sjednici, održanoj 02.11.2007. godine, d o n o s i

**ODLUKU
O NAKNADI TROŠKOVA DŽENAZE/SAHRANE
BRANILACA I ČLANOVA NJIHOVIH
PORODICA**

**Član 1.
(Predmet Odluke)**

Ovom Odlukom utvrđuju se uvjeti, način i postupak ostvarivanja prava na naknadu troškova dženaze/sahrane branilaca i članova njihovih porodica koji imaju prebivalište na području Zeničko-dobojskog kantona (u daljem tekstu: Kanton), kao i povratnika u Republiku Srpsku koji ostvaruju osnovna prava iz branilačko-invalidske zaštite u općinama Kantona i koji su na evidenciji nadležnog organa za vojne evidencije u općinama Kantona.

**Član 2.
(Lica na koja se Odluka odnosi)**

Naknada troškova dženaze/sahrane po ovoj Odluci, osigurava se u slučaju smrti dobitnika ratnih priznanja ili odlikovanja, ratnih vojnih invalida, demobiliziranih branilaca, članova porodice šehida, poginulih, umrlih i nestalih branilaca i umrlih ratnih vojnih invalida i članova uže porodice poginulih, umrlih ili nestalih dobitnika ratnog priznanja ili odlikovanja.

**Član 3.
(Definicije)**

Pojmovi i definicije iz ove Odluke: ratni vojni invalid, dobitnik ratnog priznanja ili odlikovanja, demobilizirani branilac, dobrovoljac u organizovanju otpora, veteran, nosilac “Partizanske spomenice 1941”, član porodice šehida, poginulog, umrlog, nestalog branioaca i član uže porodice poginulog, umrlog ili nestalog dobitnika ratnog priznanja ili odlikovanja, upotrijebljeni su u skladu sa odredbama

Zakona o pravima branilaca i članova njihovih porodica (“Službene novine Federacije Bosne i Hercegovine” broj 33/04, 56/05 i 70/07), Zakona o posebnim pravima dobitnika ratnih priznanja i odlikovanja i članova njihovih porodica (“Službene novine Federacije BiH” broj 70/05 i 61/06) i Zakona o pravima demobiliziranih branilaca i članova njihovih porodica (“Službene novine Federacije Bosne i Hercegovine” broj 61/06).

**Član 4.
(Troškovi dženaze/sahrane lica sa naročitim
zaslugama)**

1. U slučaju smrti dobitnika ratnog priznanja ili odlikovanja i nosioca “Partizanske spomenice 1941”, općina na području koje je isti imao prebivalište vrši obavještanje o smrti putem javnih medija i organizuje ukop -sahrano uz državne počasti, na ukopnom mjestu na lokaciji zaslužnih ličnosti.
2. Organizaciju ukopa-sahrane lica iz stava 1. ovog člana vrši općinska službi nadležna za poslove branilačko-invalidske zaštite (u daljem tekstu: općinska služba) u saradnji sa nadležnim kantonalnim udruženjem/organizacijom branilaca.
3. Općina je dužna odrediti lokaciju zaslužnih ličnosti iz stava (1) ovog člana u roku od šest mjeseci od dana stupanja na snagu ove Odluke.

**Član 5.
(Troškovi dženaze/sahrane ostalih branilaca)**

U slučaju smrti ratnog vojnog invalida, demobiliziranog branioaca, dobrovoljca u organiziranju otpora, veterana i nosioca “Partizanske spomenice 1941”, članovi porodice sa kojima je umrli živio u zajedničkom domaćinstvu u vrijeme smrti imaju pravo na jednokratnu pomoć najmanje u visini prosječne neto plaće isplaćene u Federaciji Bosne i Hercegovine u prethodnoj godini, prema podacima Zavoda za statistiku Federacije Bosne i Hercegovine, ukoliko to pravo nisu ostvarili prema drugom propisu.

**Član 6.
(Troškovi dženaze/sahrane članova porodica
branilaca)**

1. U slučaju smrti člana porodice šehida, poginulog, umrlog, nestalog branioaca i člana uže porodice poginulog, umrlog ili nestalog dobitnika ratnog priznanja ili odlikovanja, koji je prije smrti sa prebivalištem odnosno boravištem na području Kantona bio u trajanju od najmanje dvije godine neprekidno, član porodice koji sahrani umrlog ima pravo na novčanu pomoć u svrhu naknade troškova

dženaze - sahrane (troškovi prijevoza i prijenosa umrlog lica, opremanja i ukopa) u iznosu jedne polovine prosječne neto plaće isplaćene u Kantonu u prethodnoj godini, ukoliko istu pomoć ne može ostvariti po osnovu Federalnog zakona ili na drugi način.

2. Izuzetno, pomoć iz prethodnog stava se može odobriti i u većem iznosu, ukoliko se član porodice koji sahranjuje umrlog nalazi u teškoj socijalno ekonomskoj situaciji.

Član 7. (Zahtjev)

1. Pravo na novčanu pomoć u svrhu naknade troškova dženaze - sahrane lica iz članova 5. i 6. ove Odluke ostvaruje član porodice koji je sahranio umrlog, podnošenjem zahtjeva u tom smislu općinskoj službi nadležnoj za poslove branilačko-invalidske zaštite na području koje je umrli imao prebivalište odnosno boravište u posljednje dvije godine neprekidno (u daljem tekstu: općinska služba).
2. Zahtjev se podnosi na posebnom obrascu, a uz isti je obavezno priložiti smrtni list i dokaz o statusu branioca/člana porodice branioca za umrlo lice.

Član 8. (Dokumentacija)

1. Podnosilac je dužan uz zahtjev priložiti dokaze o:
 - a) srodstvu sa umrlim braniocem/članom porodice branioca;
 - b) prebivalištu odnosno boravištu umrlog lica na području Kantona u posljednje dvije godine neprekidno (za lica iz člana 6. Odluke);
 - c) troškovima dženaze - sahrane (računi prijevoza i prijenosa, opremanja i ukopa umrlog i dr.);
 - d) utrošku vlastitih sredstava u istu svrhu (ovjerena izjava i dr.)
 - e) izjavu da pomoć u ovu svrhu ne može ostvariti po osnovu Federalnog zakona ili na drugi način.

1. Ukoliko se zahtjevom traži odobrenje većeg iznosa naknade od iznosa utvrđenog članom 6. stav 1. Odluke, podnosilac zahtjeva je dužan priložiti dokaze o teškoj socijalno-ekonomskoj situaciji u kojoj se nalazi (ovjerena kućna lista, uvjerenja o nezaposlenosti, potvrde o primanjima i sl.)

Član 9. (Dokazivanje statusa)

U postupku ostvarivanja prava po ovoj Odluci, status branioca i članova njihovih porodica dokazuje se rješenjem nadležnog organa o priznavanju svojstva ratnog vojnog

invalida odnosno člana porodice šehida, poginulog, umrlog, nestalog branioca i člana uže porodice poginulog, umrlog ili nestalog dobitnika ratnog priznanja ili odlikovanja, te uvjerenjem nadležnog organa o periodu učešća u Oružanim snagama za umrlog demobiliziranog branioca, izdatog u skladu sa Zakonom o upravnom postupku ("Službene novine FBiH" broj 2/98 i 48/99).

Član 10. (Postupak po zahtjevu)

1. U postupku po zahtjevu općinska služba je dužna isti razmotriti, izvršiti potrebne provjere podnesene dokumentacije i pribaviti pismeno mišljenje nadležnog općinskog udruženja branilaca i članova njihovih porodica o opravdanosti istog.
2. Zahtjev sa prijedlogom za prihvatanje ili odbijanje zahtjeva i kompletnom dokumentacijom, općinska služba dostavlja Ministarstvu za boračka pitanja Zeničko-dobojskog kantona (u daljem tekstu: Ministarstvo), u roku od osam dana od dana prijema zahtjeva.

Član 11. (Odluka)

1. Odobravanje isplate sredstava ili odbijanje zahtjeva vrši se na osnovu saglasnosti ministra Ministarstva (u daljem tekstu: Ministar), na obrazložen prijedlog tročlane komisije, koju čine dva zaposlenika Ministarstva i jedan predstavnik kantonalne organizacije porodica šehida/poginulih branilaca, a koju Ministar imenuje posebnim rješenjem.
2. U saglasnosti iz prethodnog stava kojom se odobrava isplata naznačava se i visina odobrenih sredstava.
3. Na osnovu dostavljene saglasnosti Ministarstva o odobravanju isplate, općinska služba donosi rješenje.
4. žalbe na rješenje općinske službe rješava Ministarstvo.

Član 12. (Osiguranje sredstava)

Sredstva za realizaciju ove Odluke osiguravaju se u Budžetu Kantona, osim za troškove iz člana 4. Odluke, za koje sredstva osiguravaju općine Kantona.

Član 13. (Dostava i pravdanje sredstava)

1. O doznačenim sredstvima za isplatu novčane

pomoći općinska služba obavještava korisnike i istim vrši isplatu putem blagajne ili tekućih računa.

- Općinska služba je dužna Ministarstvu dostaviti pravdanje utrošenih sredstava, u roku od 15 dana po izvršenoj isplati.

Član 14. (Evidencija i obrasci)

- Elektronsku evidenciju o podnesenim zahtjevima i korisnicima prava po ovoj Odluci vode općinske službe i Ministarstvo.
- Obrazac za podnošenje zahtjeva iz člana 7. Odluke i obrasce za elektronsku evidenciju iz stava (1) ovog člana, propisuje Ministar u roku od osam dana od dana stupanja na snagu ove Odluke.

Član 15. (Izmjene i dopune Odluke)

Izmjene i dopune ove Odluke vrše se u postupku propisanom za njeno donošenje a inicijativu u tom smislu mogu dati i organizacije pripadnika branilačke populacije iz člana 56. stav 3. Zakona o dopunskim pravima branilaca i članova njihovih porodica.

Član 16. (Stupanje na snagu)

Odluka stupa na snagu narednog dana od dana objavljivanja u "Službenim novinama Zeničko-dobojskog kantona".

Broj:02-14-26096/07

Datum, 02.11.2007. godine

Zenica

PREMIJER

Miralem Galijašević, s.r.

345.

Na osnovu člana 16. stav 3. Zakona o Vladi Zeničko-dobojskog kantona ("Službene novine Zeničko-dobojskog kantona", broj: 16/00, 7/05 i 4/06) i člana 4. stav 2. Zakona o ministarskim, vladinim i drugim imenovanjima u Federaciji BiH ("Službene novine Federacije Bosne i Hercegovine", broj 12/03), Vlada Zeničko-dobojskog kantona, na 33. sjednici, održanoj 02.11.2007. godine, d o n o s i

R J E Š E N J E

o imenovanju na kraći period direktora Agencije za privatizaciju Zeničko-dobojskog kantona

I

Ahmet Begagić, imenuje se na kraći period za direktora Agencije za privatizaciju Zeničko-dobojskog kantona, koji ne može biti duži od 2 (dva) mjeseca od dana imenovanja, počev od 27.10.2007. godine do okončanja redovne procedure za imenovanje direktora.

II

Rješenje stupa na snagu danom donošenja i objavit će se u "Službenim novinama Zeničko-dobojskog kantona".

Broj:02-34-25805/07

Datum, 02.11.2007. godine

Zenica

PREMIJER

Miralem Galijašević, s.r.

346.

Na osnovu člana 16. stav 3. Zakona o Vladi Zeničko-dobojskog kantona («Službene novine Zeničko-dobojskog kantona», broj: 16/00, 7/05 i 4/06), Vlada Zeničko-dobojskog kantona, na 33. sjednici, održanoj 02.11.2007. godine, d o n o s i

RJEŠENJE

o dopunama Rješenja o imenovanju Komisije za utvrđivanje teške bolesti ili teške tjelesne povrede na osnovu koje se ostvaruje naknada za slučaj teške invalidnosti ili teške bolesti

I

U tački V Rješenja o imenovanju Komisije za utvrđivanje teške bolesti ili teške tjelesne povrede na osnovu koje se ostvaruje naknada za slučaj teške invalidnosti ili teške bolesti, broj: 02-37-19101/07 od 12.07.2007. godine, na kraju teksta umjesto tačke stavlja se zarez i dodaju riječi, „razdjel 21, budžetska organizacija 01, potrošačka jedinica 0001- Ministarstvo zdravstva, ekonomski kod 613900- Ugovorene i druge posebne usluge.“

II

Rješenje stupa na snagu danom donošenja i objavit će se u „Službenim novinama Zeničko-dobojskog kantona“.